



UNIVERSITÄTS-
BIBLIOTHEK
PADERBORN

**Conradi Oligenii J. C. Dissertatio De Primariis Precibus
Imperialibus**

Corradini, Pietro Marcellino

Friburgi Brisgoiae, 1707

XXII. Preces Caroli IV. expenduntur.

[urn:nbn:de:hbz:466:1-63022](https://nbn-resolving.org/urn:nbn:de:hbz:466:1-63022)

tur Ordinariis Collatoribus quicquam, neque poena contrafacientibus imponatur, & futuræ vacationes nequaquam comprehensæ sint, & rogentur Ordinarii Collatores Ecclesiarum, quæ in territorio Imperiali sitæ erant, pro uno Beneficio ad suam collationem pertinente; jam patet quam difformis sit consuetudo asserta in dicto diplomate à Precibus nuper porrectis per Augustissimum Imperatorem, in quibus non rogantur, sed compelluntur Ordinarii sub insigni poena; deputantur Exequutores ad compellendum; datur mandatum de providendo Beneficia vacatura; comprehenduntur dignitates, & Beneficia electiva, & regularia, & quidem vacantia in quocumque mense, & sic in mensibus Summo Pontifici reservatis in Concordatis Germaniæ, ac si ipsi Summi universalis Ecclesiæ Pontifices Imperialibus mandatis sub poenis ibidem comminatis omnino parere deberent; & Episcopi exequutores in dictis Precibus designati, ipsos Pontifices Romanos, quibus in subsunt, compellere possent: quo nil magis absurdum excogitari potest.

Sed fortasse aliquis dicet, Carolum IV. Imperatorem, inauguratum anno 1345. primarias Preces direxisse eadem asserta antiqua consuetudine cum mandato com-

XXI.
XXII.
Preces Caroli IV. ex-
penduntur.

28 De primariis Precibus Imperialibus
plectente vacatura, & cum jussu, ut re-
fert idem Goldast. tom. 1. pag. 343.
Verum formula Precum, quam ibidem
exhibet Goldastus, dissimilis prorsus est ab
illa Rudolphi: hæc enim, omissis re-
dundantibus, hæc est: *Cum itaque nobis
tam de jure, quam antiqua, & approba-
ta consuetudine hæctenus observata compe-
tat, quod ex coronationis nostræ solemnibus
in quolibet Monasterio in Imperio constitu-
to unam tantum personam virtute prima-
riarum Precum nostrarum ad Beneficium
Ecclesiasticum facere possimus promoveri.
Hinc est, quod pro Petro Conradi vobis
primarias dirigimus Preces nostras, devo-
tionem vestram hortamur, & per regalia
sceptra mandantes, quatenus præfato Petro
de Beneficio Ecclesiastico, quod vacat ad
presens, vel quod primum vacaverit, ad
vestram collationem spectans, auctoritate
primarum Precum nostrarum providere
debeat, quavis contradictione cessante;
jus nostrum, & dictam consuetudinem in
præmissis nobis taliter servaturi, prout ju-
ra & liberalitates vobis, & dicto vestro
Monasterio à prædecessoribus nostris datas
nos delectat non minuere, sed augere. Hæc
Preces datæ sunt anno VIII. Imperii Ca-
roli IV., quare non erant illæ, quæ sta-
tim ac Imperator inauguratus est expedi-*

tæ fuerant. Itidem consuetudo in illis asserta coarctata reperitur ad Monasteria in Imperio consistentia tantummodo, quo fit, ex dictis Precibus probari non posse morem omnibus Ecclesiis Germaniæ, præterquam Monasteriis, Preces dirigendi; & quod magis urget, dictæ Preces non hærent nudæ consuetudini, uti illæ Rudolphi; sed earum scriptor videns fortasse consuetudinem Precibus non consentire, adhæsit dispositioni juris, ibi: *Nobis tam de jure, quam antiqua consuetudine.* Quemadmodum igitur liquido constat tam ex Precibus Rudolphi, quam ex Conciliorum sanctionibus, & communi sententia Canonistarum, Principibus laicis æquè ac Imperiali dignitate fulgentibus, nullum jus competere conferendi beneficia Ecclesiastica, aut compellendi Episcopos, & Capitula ad ea conferenda personis à se nominatis, & multo minùs Episcopis Preces cum præcepto dirigendi; ita non leviter suspicandum est, quod Carolus Imperator de facto dictas Preces direxerit nulli nixus consuetudini, nisi illi, quæ de facto irrepsit, & educitur ex diplomate Rudolphi, quem diximus nudas Preces sine præcepto direxisse; & tamen Caroli IV. Preces restrictæ ad Monaste-

30 *De primariis Precibus Imperialibus*
ria Regularium, non continent poenas,
aut beneficia Papæ reservata, & quamvis
complectantur vacatura, in hoc diffor-
mes sunt à consuetudine asserta in diplo-
mate Rudolphi.

XXIII. Sic & primariæ Preces Wenceslai Im-
peratoris electi anno 1376., quas exhi-
bet idem Goldastus dicto tom. I. pag.
375. adduci non merentur ad talem an-
tiquam consuetudinem afferendam; cedit
enim ibidem ipse jus primariarum Pre-
cum Ruperto Comiti Palatino Rheni, &
Bavariæ Duci cum enunciatiua, quòd de
jure, & consuetudine id jus Imperatori-
bus competeret in singulis Ecclesiis Ger-
maniæ, & contra Ordinarios Collatores
tantummodò, eosque qui Precibus non
parerent poenis ibidem comminatis affli-
xit, & executorem eundem Comitem
Palatinum fecit: quare constat hunc
Preces non direxisse: nescimus enim, an
ejus cessionarius id fecerit, & Ordinarii
paruerint. Pater etiam hunc hæsisse dis-
positioni juris, quia de consuetudine for-
tasse dubitabat, & ampliassè fimbrias suo-
rum prædecessorum, Preces redigendo
in præcepta, addendo etiam minas, &
poenas: quod nemo prædecessorum ejus
fecerat.

XXIV. Abusus Prin- En itaque cujusmodi fuit consuetudo,